

كارتون الكتاب المقدس

دانيال في جب الأسود

المصدر [Bible App for Kids](#)

سؤال: أقول إيه لمّا أكون خايف؟

الإجابة: أخاف ليه؟ ربنا معايا

Goodbye fear ... God is here

تعالوا نشوف إزاي

كارتون الكتاب المقدس - دانيال في جب الأسود



نشوف إيه في القصة دي؟

دانيال اتقبض عليه من غير ذنب ... بس لأنه كان بيصلي لربنا
و الملك كان بيحبه ... بس اضطر يحطه في جب الأسود تنفيذاً للقانون
دانيال كان لازم يعمل حاجة تخوّف جداً ... كان لازم يبات مع الأسود و هي جعانة
بس دانيال مخلص الخوف يغلبه ... صلّى و فضل واثق في ربنا
و ربنا ساعده يغلب الخوف ... بعت ملاكه فسد أفواه الأسود و بقت كأنها أليفة
و قال للملك:

إلهي أرسل ملاكه وسد أفواه الأسود فلم تضرني، لأنني وجدت بريئاً قدامه، وقدامك أيضا أيها الملك، لم أفعل ذنبا (دانيال 6 : 22)

خدوا بالكم إن دانيال اتعاقب عشان كسر قانون مكانش صح ... احنا ساعات كتير بنعمل حاجات غلط و بنكسر القوانين الصح
بتاعة ربنا
وزي ما ربنا ساعد دانيال ... بيساعد كل واحد فينا ... و ابنه الوحيد (بابا يسوع) على الصليب أخذ العقاب اللي إحنا كُنّا نستاهله
بسبب الغلطات بتاعتنا

ال 3 حاجات اللي المفروض نعملها؟

- 1



لو حسيت إني خايف (مثلاً بالليل من الظلمة) ... على طول أصلي ... و ربنا هيساعدني أغلب الخوف

- 2



الدرع ده بيحمي المحارب و هو بيحارب من إن حاجة تصيبه

ده بالظبط زي الصلاة ... الصلاة و الثقة في ربنا هتحمينا و تبعد عننا الخوف

- 3



حزام الأمان في العربية هو اللي بيحافظ عليّ في أمان على الكرسي ... و ربنا هيحافظ عليّ في أمان على طول ... فأنا مش المفروض أخاف من حاجة

❗ **المشكلة:** ساعات بحتاج أعمل حاجات حتى لو أنا خايف منها ... و بيبقى نفسي ربنا يشيل الحاجة اللي أنا خايف منها
عشان مخافش ☹️

❓ **الحل:**

ربنا طريقته مختلفة ... مش دايماً يشيل الحاجة اللي مخوفاني ... بس أكيد دايماً بيساعدني أغلب الخوف
أنا بس عليّ أصليّ و أثق فيه ... بعد كده الخوف هيروح 😊

📖 تعالوا نحفظ مع بعض الآية:

لأنني أنا الرب إلهك الممسك بيمينك، القائل لك: لا تخف. أنا أعينك (إشعياء 41 : 13)

❓ يعني ربنا هيساعدني كل ما أكون خايف
و أنا كل ما أكون خايف، هأصليّ و أثق إن ربنا معايا

يا رب ... ساعدنا نصدق إنك على طول معانا و تاخذ بالك منا و تساعدنا ... فأحنا مانخافش من أي حاجة
زي ما سمعت دانيال، انت بتسمعي في كل وقت أكلمك فيه

صورة للتلوين: دانيال و هو بيصلي في جب الأسود بعد ما ربنا بعث ملاكه و سد أفواه الأسود فبقت أليفة



تعالوا نفتكر إن ربنا دائماً معانا و بيحمينا ... مهما كان الموقف اللي إحنا فيه يخوف



ربنا بعث الملاك ... فسد أفواه الأسود
... و دانيال قضى الليلة كلها و هو سليم